

Oseas

Oseas elqui se tlajtol pannextijquetl ipan nopa tlali Israel ica norte ipan nopa tonali quema polihuiyaya 800 xihuitl para hualas Cristo. Tlacamanalhui quema nopa tlajtol pannextijquetl Amós ya tlanqui itequi. TOTECO quinahuati Oseas ma mosihuajti ica Gomer masque mocuepasquía se ahuilnenca sihuatl. Quichijqui ni para quinextis quenicatzia nopa israelitame quicahuayayaj TOTECO por teteyome. Teipa TOTECO quiilhui Oseas sempa ma quicohuati nopa sihuatl huan quihiucas ichaj quema yaya mocueptoya se tetequipanojquetl catli iaxca seyoc masehuali. Ya ni quiixnexti para TOTECO sempa moaxcatis imasehualhua pampa yaya quinicnelia masque tlahuel quixpathoninemij. Yeca ipan 11:8 quiijtohua: “Pero ¿quenicatza nimechtlahuelcahuas, annomasehualhua ipan tlali Israel? ... Tlahuel nechyolpitzahua pampa tlahuel nimechicnelía.”

Oseas quipiya eyi partes:

Oseas 1—3 Oseas mosihuajti.

Oseas 4—13 TOTECO amo quicualitac nochí nopa fiero tlamantli catli quichihuayaj nopa israelitame.

Oseas 14 Nopa masehualme moyolcuepase huan moyoltlalise ica TOTECO.

Isihua huan iconehua Oseas

1 Ya ni nopa camanali catli TOTECO nechmacac na, niOseas catli niicone Beeri ipan nopa tonali quema Tlanahuatijquetl Uzías, Tlanahuatijquetl Jotam, Tlanahuatijquetl Acaz huan Tlanahuatijquetl Ezequías quihiucayayaj tequitl ipan tlali Judá, huan nojquiya quema icone Joás, catli elqui nopa ompa Jeroboam, quihiucayaya tequitl ipan tlali Israel^a.

2 Quema TOTECO pejqui camanalti por na, niOseas, yaya nechilhui: “Xiya huan ximocuili se sihuatl catli tlacanemis. Huan iconehua catli tlacatise elise sequinoc tlacame ininconehua, huan amo ta mocone-hua. Nopa quiixnextis quenicatza ni no-

masehualhua nechtlahuelcajtoque na catli niinintECO huan quinhueyichijtinemij tio-tzitzti san quen se momecatijca sihuatl qui-cahua ihuehue.”

3 Huajca niyajqui huan nimocuili Gomer, iichpoca Diblaim, huan njchijqui no-sihua. Huan Gomer conecuic huan quitlatiltil se oquichpil.

4 Huan TOTECO nechilhui: “Xijtcoxatlali ni conetl Jezreel^b, pampa amo hueca-huas miyac tonali huan na niqintlamii-xpolihuiltis nochí iixhuihua Tlanahuatijquetl Jehú. Nijcuepilis por nochí nopa masehualme catli quinmicti ipan nopa tlama-yamitl catli itoca Jezreel. Nijtlamiltis itlanahuatijcayo tlali Israel huan ayacmo itz-

^a1:1 Tlali Israel, ipan ni tonali quema quiijcuilo ni amatlapohuali, quiijtosnequi nopa majtlactli huejhueyi familias tlen israelitame catli mocajque ica norte. Inijuanti moiycatlatilique tlen nopa ome huejhueyi familias tlen israelitame catli mocajque ica tlani catli quintocaxtijque Judá. Tlanahuatijquetl Jeroboam quinextilis israelitame ipan tlali Israel ica norte ma quinhueyichihuaca tiotzitzti. Huajca TOTECO más quintelhui que tlali Judá ehuani catli mocajque ica tlani.

^b1:4 Jezreel nica quinequi quiijtos ‘Semantoc’.

tos se tlanahuatijquetl nopena. 5 Quena, ipan nopa tlamayamitl catli itoca Jezreel nijpolihuiltis ichicahualis tlali Israel para elis se tlali catli mocahua iyoca tlen tlali Judá.”

6 Huan Gomer sempa coneucic huan quitlacatilti se sihuapil. Huan TOTECO nechilhui: “Xijtocaxtlali ni conetl Lo Ruhama^c, pampa ayacmo niquintlasoxtlas nopa israelitame catli tlali Israel ehuani huan ayacmo niquintlapojpolhuis. Niquincahuilis sequinoc tlalme ehuani ma quinhuicase huan quej nopa ixpolihuise. 7 Pero niquintlasoxtlas nopa israelitame catli itztoque ipan tlali Judá huan niquinmaquixtis. Pero amo niquinmaquixtis ica cuahuitoli, niyon ica machete, niyon ica tlahuilancayotl, niyon ica cahuayoyme huan nopa soldados catli ininpan tlejcotoque. Niquinmaquixtis ica na nochicahualis, niininTECO Dios.”

8 Teipa quema quichichijcahuatl Lo Ruhama, Gomer sempa coneucic huan quitlacatilti seyoc oquichpil. 9 Huan Toteco Dios nechilhui: “Xijtocaxtlali ni oquichpil Lo Ammi^d, pampa anisraelitame ayacmo anelise annomasehualhua, niyon na ayacmo nielis niamoTeco.

TOTECO quinyancuilis imasehualhua se tonali

10 “Pero ajsis tonali quema israelitame momiyaquilise hasta itztose quen imiyaca nopa xali catli onca iteno hueyi atl huan amo aqui huelis quintamachihuas, niyon quinpoahuas. Huan huajca ayacmo niquinlhuis: ‘Amojuanti amo annomasehualhua.’ Pero ipan nopa tonali niquinlhuis: ‘Amojuanti annoconebla niamoTeco Dios catli niyoltoc.’ 11 Huan nochí masehualme ipan tlali Judá huan ipan tlali Israel sempa mosentilise huan quipiyase setzi inintlahuanatiaca. Tlejcose hasta inintlat tlen nopa tlalme campa itztose quen seyoc tlali ehuani. Elis nelyejectzi nopa tonali que-

ma niininTeco sempa niquinhualicas nomasehualhua huan niquintlalis ipan inintlat quen se quitocas xinachtli ipan cuali tlali para ma moscaltis ica cuali.

2 “Ipan nopa tonali amotlaca icnihua ti-quintocaxtis Ammi^e huan amosihua icnihua ti-quintocaxtis Ruhama^f.

TOTECO quintelhuía israelitame

2 “Pero para ama ipan ni tonali xi-quinixcoihui tlali Israel masehualme pampa amo niquinita sintla quiixnextiá nosihua, niyon na amo niquixnextiá ni-ininhuehue pampa inijuanti quinhuichihuaj tiotzitzti. Israel ehuani itztoque quen se tlacanenca sihuatl catli quinnotza tlacame ica ixayac huan motemactilia ica catli amo ihuehue. Xiquinilhui ma quipatlaca iniixayac huan ma quicahuaca nopa momecatili. 3 Sintla amo nechneltocase, niquintlatzacuiltis. Quen se juez tlanahuatia ma quiquixtilica iyoyo se tlacanenca sihuatl huan mocahuas xolotl tlamiyacapa para quipinahaultis, na nijquixtilis tlali Israel nochí iricojyo huan nijcahuas quen se huactoc tlali campa amo aqui mocahuas huan se tlali campa amo onca atl. Huan imasehualhua niquinchihuas ma miquica ica amiquistli. 4 Huan imasehualhua nopa tlali amo niquintlasoxtlas quen elisquia nocnehua pampa eltoc quen inijuanti ininconebla sequinoc tlacame. 5 Eltoc quen ininnana catli quintlacatilti tlacanentoc huan quichijqui catli se pinahualistli quema quijito: ‘Niyas niquintemoti nomecahua para ma nechmacaca notlacuallis, noa, noyoyo, noaceite huan notlaillis.’ 6 Pero xiquitaca, na nijtlalis huitzili ipan iohui para amo panos. Nijyahualtzacuas para amo quipantis iohui. 7 Huan teipa quema tlali Israel ehuani quintepotzto case ininmecahua, amo quinajsitij. Huan masque quintemose campa hueli amo quinpantise. Huan

^{c1:6} Lo Ruhama quinequi quijitos ‘Amo aqui quitlasoxtla’. ^{d1:9} Lo Ammi quinequi quijitos ‘Amo noaxca’. ^{e2:1} Ammi quinequi quijitos ‘Nomasehualhua’. ^{f2:1} Ruhama quinequi quijitos ‘Toteco quitlasoxtla’.

huajca quijtose quen nopa tlacanenca sihuatl quijtosquía: 'Más cuali nimocuepas ica catli achtihui eliyaya nohuehue pampa achi más cuali niitztoya ihuaya ya que ama niitztoc.'

8 "Pero tlali Israel ehuani amo momacaj cuenta para nielqui na catli niquinmacayaya nopa trigo, huan nopa xocomeca atl huan nopa aceite. Amo momacaj cuenta para nielqui na catli nijmiyaquiliyaya inintomi tlen plata huan oro catli inijuanti quitequihuiyayaj para quinhueyichihuase nopa miyac tiotzitz Baales.

9 "Huajca ama na nimocuepas campa tlali Israel ehuani quema ajsis nopa tonali tlen pixquistli huan niquinquixtilis inintrigo huan ininxocomeca. Huan nojquiya niquinquixtilis nochí tlamantli catli niquinmacatoya para ica ma quichihuaca ininyoyo para ma moquentica. **10** Huan nijxolohuis tlali Israel quen elisquía se tlacanenca sihuatl iniixtlá imecahua huan amo aqui huelis quinmanahuis tlen na nomaco. **11** Nijchihuas ma tlami nochí nopa paquilstli catli quipiyayayaj tlali Israel ehuani ipan nochí ilhuime catli quichihuayayaj quema pehuayaya yancuic metztlí huan tonali quema mosiyajquetzayayaj. Niquinquixtilis nochí ilhuime catli quinelnamiquiyayaj sesen xihuítl. **12** Niquintlamixpolos ininxocomeca milhua huan inincuamilhua tlen higuera cuame catli quinitayayaj quen se tlaxtlahuili catli nopa tiotzitzí catli eltoc quen ininmecahua quinmacayayaj. Huan niquinchihuas ma elica quen se milcahuali catli quitlamiciase tlapiyalme catli nemij cuatitla. **13** Huan quej nopa niquintlatzacultis catli ehuani nopa tlali por nochí nopa tonali quema quintlatilique tlacajcahualistli nopa miyac tiotzitzí tlen Baal. Nochí nopa tonali mocualtlaliyayaj ica pijpiloli huan ica tlamantli catli yejyectzitzí huan yohuiyayaj quinonitaj nopa Baales quen eliyayaj ininmecahua huan nechelcahuayayaj na catli niinintECO." Quej nopa quijtohana TOTECO.

TOTECO quinicnelía nochí israelitame

14 "Pero xiquitaca, na sempa niquinyoltilanas israelitame ma nechicnelica. Nijchihuas quen se telpocatl catli quihiuca se ichpocatl ipan nopa huactoc tlali huan npona quicamanalhuis ica yejyectzi para quiyolyamanilis. **15** Huan nojquiya npona sempa niquinmacas israelitame ininxocomeca milhua. Huan nopa tlaijiyohuilstli catli quipiyayayaj nijpatlas ica tlatichiualistli. Huan israelitame sempa huicase quen quema achtihui mochijque noaxcahua quema niquinquixti ipan tlali Egipto.

16 "Huan teipa ipan nopa tonali israelitame nechtoxactise Ishi^g huan ayacmo elise quen se tequipanojquetl catli quitoxactía iteco Baali^h." Quej nopa quijtohana TOTECO.

17 "Huan nijchihuas para anisraelitame anquielcahuase inintoca nopa tiotzitzí tlen miyac tlamantli Baales huan ayacmo quema anquintzajtzilise para ma anmecpalehuica.

18 "Huan ipan nopa tonali na nijsencahuas se camanali ica noisraelita masehualhua, huan ica nopa tlapiyalme catli nemij cuatitla, huan nopa totome catli patlantinemij ajacatipa huan ica cohuhame catli mohuahuatatzaj tlalchi para ma ayacmo tecococa. Huan nojquiya niquicuinis nochí cuahuitoli huan machetes tlen ni tlaltripactli huan ayacmo oncas tlahuilancayotl. Huan nochime cochise ica paquilstli huan ayacmo tleno quinmajmatis. **19** Huan niquinchihuas israelitame ma elica nosihua para nochipa. Nimocuilis para quen nosihua huan niquinmacas catli cualli huan catli xitlahuac, pampa niquinicnelía huan niquintlasojtla. **20** Niquinchihuas nosihua huan na nielis nitemachtlí ininhuaya. Amo quema niquincahuas huan nechiximatise para niinintECO.

21 "Huan ipan nopa tonali na nitlananquilis quema ilhuicactli tlahuel quinequis mixtli. Huan nijtitlanis mixtli para huelis tlaquiyahuis ipan tlaltripactli quema nopa

^g2:16 Ishi quinequi quijitos 'tinohuehue'. ^h2:16 Baali quinequi quijitos 'noteco'.

tlaltipactli tlahuel quinequis atl. 22 Huan quema nopa toctli, xocomeca milme huan olivo cuamilme quitemohua atl ipan tlali, nopa tlali quiipyas atl para quinmacas. Huan nochí sentic huicase: ‘¡Jezreel! catli quinequi quiijtos ‘¡Toteco tlatojtoca!’. 23 Huan ipan nopa tonali na niquinchihuas noisraelita masehualhua ma elica quen se mili catli nimotoquis ipan ni tlali. Huan niquintlasoxtla catli niquintocaxti Lo Ruhama pampa amo niquintlasoxtlaya. Huan catli niquintocaxti Lo Ammi pampa amo eliyayaj nomasehualhua. Huan niquinilhuis: ‘Ama amojuanti anno-masehualhua.’ Huan inijuanti quiijtose: ‘Ta tiToteco Dios.’”

Oseas sempa mocuili isihua

3 Huan TOTECO sempa nechcamanalal hui, niOseas, huan nechilhui: “Xiya huan sempa xijtemoti catli eliyaya mosi-hua huan xijhualica mohuaya huan xi-quicneli masque yaya momecatia. Quej nopa tiquinxnextis quenicatza niamoTECO niquinicnelia israelitame masque quinhueyichihuaj tiotzitzti tlen sequinoc tlalme huan quinpartia quicuase nopa tortas tlen uvas catli huactoc catli quitencahuilaj nopa tiotzitzti.”

2Huajca na nijcojqui Gomer ica san 15 plata tomi huan ica 330 litros tlen cebada quen catli ipati para quicohuas se tlapiyali. 3Huan niquilhui: “Ta tielis tinoaxca na para miyac tonali. Ayacmo huelis timomecatis, niyon ayacmo tijchihuas tlen hueli ihuaya



Oseas sempa monejqui mocuilis isihua Gomer.

seyoc tlacatl. Huan nojquia na amo tleno nijchihuas mohuaya hasta teipa.”

4 Catli nijchijqui quiixnextia nopa miyac tonali quema israelitame mocahuase campa quinhuicase ilpitoque huan amo quiipyase inintlanahuatijca, niyon inintlacyanca, niyon tlacajcahualistli, niyon nopa piltetzitzti para quimatise ipaquilis TOTECO, niyon totajtzitzti, niyon tiotzitzti.

5 Pero teipa nopa israelitame sempa mocuepase huan quitemose TOTECO inint-Dios, huan quitemose David, inintlanahuatijca. Quena, ipan itlamiya tonali israelitame huihuipacitahualase ica miyac tlatlepanitacayotl iixpa TOTECO para nopa tlatiochihualistli catli yaya temaca.

TOTECO quintelhuía tlali Israel ehuani

4 Anisraelitame catli anitztoque ipan tlali Israel ica norte, xijcaquica catli Toteco anmehilhuía. Toteco anmehix-coilhuis catli ica anmehctelhuía. Yaya quiijtohua: “Amo aqui ipan nopa tlali catli temachtli, niyon amo aqui catli teicnelia, niyon amo aqui quiximati Toteco. 2Senquistoc nochí masehualme tlatestigojquetzaj catli amo melhuac, teistlacahuíaj, temictíaj, tetlachtequilíaj huan momecatíaj. Oncea tlahuilancayotl campa hueli huan tlatoctzitzti momictíaj se ica seyoc.

3 “Yeca ni tlali Israel ayacmo tlaelilitis huan temis ica tequipacholi. Nochi catli itztoque nica pehuase mococese huan mi-quise. Pehuase miquise nochí tlamantli tlapiyalme catli nemij cuatitla, huan nochí totome catli patlantinemij ajacatipa huan nochí tlamantli michime catli itztoque ipan hueyi atl.”

TOTECO quintelhui nopa totajtzitzti

4 TOTECO quiijtohua: “Niyon se tlacatl ma quitaljtlacoltis seyoc pampa nochí amojuanti ipan tlali Israel anquihuicaj tlajtlacoli. Anmasehualme anquichijtoque catli amo cuali quen catli huecjajya quintelhuijque ica nopa totajzti catli nijtequimacac ma mosehui quen se juezⁱ. 5Huan

ⁱ4:4 Xijtlachili Dt. 17:12.

yeca hasta tonaya nojquiya anmotepotla-mijtinemise. Amo san ica tlayohua. Huan antotajtzitzí huan antlajtol pannextiani motepotlamise amohuaya. Nojquiya ni-quintzontlamiltis hasta amonanahua pam-pa nochí antechcajeitoque. ⁶Nomase-hualhua sosolijke pampa amo nechixi-matij. Pero ya ni amotajtlacol antotajtzitzí. Antotajtzitzí amo anquinequiyayaj antechiximatise, huan yeca ayacmo nimech-itas quen annototajtzitzí. Anquitlahuelcaj-toque notlanahuatilhua huan yeca niquin-tlahuelcahuas amocone-hua para ayacmo itztose totajtzitzí.

⁷“Quema más momiyaquiliyayaj totajtzitzí huan más moricojchijqui nopa tlali, noja más momiyaquili inintlajtla-colhua. Nechcajeque niiminTECO huan nechpatlaque ica tiotzitzí huan tlaixco-pincayome catli pejque quinhueyichi-huaj. Huajca na niquinquixtilis nopa totajtzitzí nopa tlatlepanitacayotl catli quipixque huan nijpatlas ica pinahualis-tli. ⁸Nopa totajtzitzí motlamacaj ica nopa tlacajcahualistli catli masehualme quihualicaj para inintlajtlacolhua. Huaj-ca más paquiyayaj quema masehualme tlajtlacolchihuayayaj miyac para oncas miyac cuali nacatl para quicuase. ⁹Huaj-ca quen mosisiníaj nopa totajtzitzí noj-quiya mosisiníaj nopa masehualme. Yeca san se niquintlatzacuultis nopa totajtzitzí huan nopa masehualme ica nochí catli fiero quichijtoque. Quena, niquintlaxtla-huis quen quinamiqui. ¹⁰Yeca masque nopa totajtzitzí tlacuase, amo ixhuise, pampa campa hueli oncas mayantli. Huan masque quinnextilise masehualme ma momecatica ica tlakanenca sihuame campa nopa tiotzitzí para ma onca cuali pixquistli, amo momiyaquilis ininpix-quis pampa nechtlahuelcajtoque na ni-ininTECO. ¹¹Tlaili huan ahuilnencayotl ica tiotzitzí quichijtoc ma quipoloca inintlalnamiquilis nomasehualhua.

Quenicatza israelitame quinhueyichijque tiotzitzí

¹²“Nomasehualhua quintlatzintoqui-líaj inintlaixcopincayohua tlen cuahuitl para ma quinilhui tlaque quichihuase. Moilhuíaj se huapali quinnextilis catli pa-nos teipa. Quincuapolojtoc se ajacatl catli quinnotza ma quinhueyichihuas nopa tio-tzitzí. Quen se momecatijca sihuatl quica-hua ihuehue, nechtlahuelcajque niininTe-co para quintequipanose tiotzitzí. ¹³No-masehualhua yohuj inixco tepeme para quinmacatij tlacajcahualistli nopa tlaixco-pincayome huan tiotzitzí. Huan yohuj quintlatilitij copali tlachiquiltipa inintla ahua cuame, álamo cuame huan olmo cuame catli yejyectzi temaca ecahuiltol. Amoichpocahua motemacaj ica nopa si-hua nenza tlacame catli quitequipanohuaj nopa tiotzi nopona huan amoyexhua inin-huaya momecatíaj. ¹⁴Pero na amo niquin-tlatzacuultis amoichpocahua quema temactilíaj inintlacayo, niyon amoyexhua catli momecatíaj pampa amojuanti antla-came anyohuj iyoca ica nopa sihuame catli quitequipanohuaj nopa tiotzi ica ahuil-nencayotl para quej nopa anquimacaj no-pa tiotzi tlacajcahualistli. ¡Masehualme catli huihuitique quen amojuanti temach-tli antlantiyase!

Judá ehuani ma amo quintoquilica tlali Israel ehuani

¹⁵“Masque nopa israelitame catli itzto-que ipan tlali Israel ica norte momecatíaj, amo ximomecatica anisraelitame ipan tla-li Judá ica tlani. Antlali Judá ehuani, amo ximosentilitij ininhuaya tlali Israel ehuani ipan Gilgal huan ipan Bet Avén^j. Huan sintla se yas nopona, ma ayacmo quitequi-huis notoca na, niamoTECO, para ica tla-testigoquetzas quen nechtlepanita pampa amo neli. ¹⁶Pampa israelitame catli itzto-que ica norte mohuejcatlalijtoque tlen na quen se cone huacax catli mosisinía. Huaj-

^j4:15 Betel ‘Ichaj Toteco’ nelía eltoya itoca nopa altepetl pero nica Oseas quitocaxpatlac ica Bet Avén ‘Ininchaj tiotzitzí’ pampa san tiotzitzí ama quinhueyichihuayayaj nopena. Ayacmo quihueyichihuayayaj TOTECO.

ca ama niinintECO niquinmajcahuas ma yaca campa quinequise. Ayacmo niquinchihuilis quen se pilborregoijtzi catli nijtlacuajcualtía nonechca para nijmocuitlahuis. ¹⁷Ximohuejcatlalica ica tlali Israel^k ehuani pampa senquistoc motemactilijtoque ica tiotzitzi. ¹⁸Quema nopa tlacame tlen tlali Israel quiitaj para ya tlangui inintlailis, yohuij para motemactilise ica ahuilnencayotl. Hasta inintlayacancahua catli monequi quinyacanasquíaj tlahuel quiicneláj tlamantli catli quihualica pinahualistli. ¹⁹Pero inintlatzacuiltylis hualas quen se hueyi ajacatl catli quintlamicuitiquisaqui. Huan huajca quena, mopinahuate por noch i nopa tlacajcahualistli catli ica quinhueyichihuayayaj nopa tiotzitzi.

Itlayacancahua tlali Israel más tlajtlacolchijque

5 “Antotajtzitzi, xijtlacaquilica inin. Quena, noch i anisraelitame ipan tlali Israel huan noch i amojuanti catli anfamilias tlen nopa tlanahtatijquetl, xijtlacaquilica pampa hualas ni tlatzacuiltyli amopani. Anquinmasiltijoque nopa masehualme ica nopa tiotzitzi catli anquintlalijtoque ipan Mizpa huan Tabor. ²Amojuanti catli anmosisinijoque nohuaya, anquichijtoque se ostotl catli tlahuel huejcatcha para ipan anquintalise nopa masehualme catli anquinmictijtoque. Yeca temachtli nimechtlatzacuiltylis por noch i catli anquichijtoque. ³Na niquiximati noch i catli amo cuali catli anquichijtoque antlali Israel ehuani. Antechcaktejtoque quen se ahuilnenca sihuatl quicajtehua ihuehue. Anyajtoque ica tiotzitzi huan ica nopa tiotzitzi tlahuel anmosoquihuijtoque. ⁴Nochi nopa tlamantli amo cuali catli anquichijtoque amo anmechcahuilíaj para anmocuepase noca na niamotECO Dios. Huan amo hueli antechiximatiq niamotECO pampa tlatlajco amojuanti itztoc se ajacatl catli quinequi xiahuilnemica.

5 “Nimechtlajtolsencahuas tlali Israel ehuani pampa tlahuel anmohueyimajtoque huan anmosisinijoque nohuaya. Huan amojuanti anhuetzise por noch i amotlajtlacol. Huan hasta tlali Judá ehuani nojquia motepotlamise. ⁶Pero teipa quema tlahuel anmajmahuise, anyase anquitemojtinemise TOTECO ica amoborregojhua huan amohuacaxhua para anquimacase. Pero ayacmo anquipantise pampa yaya ya anmechtlalcahuijtos. ⁷Anisraelitame tlahuel antechixpanotoque. Antechchijtoque quen se sihuatl catli quicajcaya-hua ihuehue huan quintlacatiltia coneme catli sequinoc tlacame inincone hua. Noja más anmotlajtlacoltíaj por nopa sequinoc tlamantli ilhuime catli anquichihuaj para yancuic metztlí catli amo quen nimechmacatoc tlanahtutili para antechhueyimatisse huan amo quisa tlen amoyolo. Huan noch i nopa tlamantzitzi catli anquisencajtoque ica amotlalnamiquilis anmechhualliquilis tlatzacuiltylistli. Quintlamiixpolihuultis amomasehualhua huan nopa pixquistli catli temacaj amomilhua.

Tlatzacuiltyli para tlalme Israel huan Judá

⁸ “Xijpitzaca cuacuajtli ipan altepetl Gabaa pampa ya ajsiti tlahuilancayotl campa amojuanti. Xijpitzaca tlapitzali ipan altepetl Ramá. Ipan Bet Avén^l xitlayolmelahuaca para hualahuij soldados. Anhuihuipase antlali Benjamín ehuani. ⁹Ipan nopa tonali quema nitelatzacuiltylis, nopa tlali Israel mocahuas tlamisosolijtoc. Quena, noch i nopa huejhueyi familias tlen tlali Israel niquinyolmelahua para temachtli catli ininpantis elis se tlamantli catli fiero.

¹⁰ “Nojquia nopa tlacyacanani ipan tlali Judá itztoque tlahuel fiero. Itztoque quen nopa masehualme catli quijcuiníaj nopa teme catli quinextía se nepamitl. Huajca na niquintlatzacuiltylis tlahuel chihahuac. ¹¹Tlali Israel ehuani itztose ipan

^{k 4:17} Tlali Israel nojquia quitocaxtía Efraín pampa nopa hueyi familia Efraín elqui catli más quipixqui chicahualistli ipan nopa majtlactli huejhueyi familias catli moyocatlalique nopona ica norte. Huajca Efraín huan tlali Israel quinequi quiijtos san se tlali. ^{l 5:8} Xijtlachili Os. 4:15.

tequipacholi huan tlahuel tlaijiyohuise por nopa tlatzacuiltli catli niquinmacas, pampa ya motemacatoque quisenhuiquile se quinequipanose tiotzitz. 12 Huajca na, niinintECO, nijsosolos tlali Israel quen se mejtoli quicualoltia yoyomitl huan nojquiya niquinpalanaltis nopa masehualme tlen tlali Judá quen nopa cuatequini qui palanaltia cuahuitl.

13 “Quema tlali Israel ehuani quitase para tlahuel mococohuaj huan tlali Judá ehuani quitase para quinpiyaj cocome, Israel ehuani yase ipan tlali Asiria huan qui-notzatij nopa hueyi Tlanahuatijquetl Jareb para ma quinchicahua. Pero nopa tlanahuatijquetl amo huelis quinchicahuas inincocoholis, niyon amo huelis quipajts inincocohua. 14 Pampa na, niinintECO, niqintlamihuejhuelos tlali Israel^m huan tlali Judá ehuani quen quichihua se hueyi león ica se tlapiyali catli quiitzquia. Quena, niqunitzquis huan niquinhuejhueloti. Niquinhuicas huejca huan amo aqui huelis quinmanahuis nomaco. 15 Teipa niquntlahuelahuas huan nimocuepas campa niitztoya hasta momacase cuenta para tlahuel tlajtlacolchijtoque huan hualase nechtemose. Quena, quema tlahuel tlaijiyohujitose, nechtemose ica nochí ininyolo.”

Israel ehuani amo quinequise moyoleuepase

6 “Huan nopa masehualme quijtose: ‘¡Xihualaca! Ma timocuepaca ica TOTECO pampa yaya catli techcocotetzqui huan yaya techchicahuas. Yaya techcoco, pero nojquiya yaya catli sempa techpajtis. 2 Temachtli amo huejahuas huan sempa techmacas nemilistli yaneuic huan techyolcuis para sempa tiitztose ica paquilistli iixtla. 3 Huajca ma tiquiximatica TOTECO. Quena, mojmostla ma tjichihuaca campica para noja más tiquiximatise. Huan temachtli yaya monextia ica ijnaloc. Huan temachtli hualas campa tojuanti quen temachtli huetzi atl quema ipohual.’

TOTECO quintelhuía israelitame

4 “¿Tlaque más huelis nimechchihuilis amojuanti catli anehuani tlali Israel huan tlali Judá para sempa antechicnelisquij? Amotlaicnelicayo eltoc quen se mixtli catli monextia ica ijnaloc huan nimantzi ixpolihui. O eltoc quen nopa ajhuachtli catli huetzi ica ijnaloc huan nimantzi huaqui. 5 Yeca monequi tlatoctzitz ma nimechtlatzacuiltis huan ma niqintitlanis notlajtol pannextijehuahua ma anmecchyolmelahuaca catli hualas. Nimechcocojtoc ica nocamanal pampa nimechyoelmelahuayaya para nimechtzontlamiltisquía. Huan ama notlazacuiltil temachtli anmecchajsis quen temachtli quisa tonati ica ijnaloc. 6 Na nijnequi techicnelica. Amo nijnequi tlacajcahualistli. Na nijnequi más techiximatica. Ya nopa más ipati que tlacajcahualistli tlatalili catli antechmacasquij.

7 “Pero anisraelitame anitztoque quen Adán huecjaya pampa anquixpanoche no-pa camanal sencahualli catli njichijqui amo-huaya huan antechixpanotoque. 8 Galaad eltoc se altepetl tlen tlacame catli quichihuaj catli más fiero huan temitoc ica estli. 9 Quen tlachtequini ojchiyaj ajqueya huelis quitlachtequilese, se pamitl tlen totajtzitz techiyaj huan temictijay ipan nopa ojti catli yohui para Siquem. Huan nojquiya nopona quichihuaj sequinoc tlamantli tlajtlacoli catli más fiero. 10 Quena, na niquitztoc se tlamantli catli fiero ipan tlali Israel: Tlali Israel ehuani tlahuel yajtoque ica tiotzitz quen se momecatijca sihuatl catli tlahuel mosoqui-huijtoc.

11 “Huan amojuanti, antlali Judá ehuaní, nojquiya anmecchhiya se hueyi tlatzacuiltlistli.

“Pero na nijnequiyaya nimechmacas nomasehualhua catli cuali quen anquipayayaj achthuiuya quema ayamo anmecchuicayayaj anilpitoque.

7 “Huan nijnequiyaya niqunhicahuas tlali Israel ehuani, pero sempa niquitac para tlahuel onpano tlajtlacolchihuayayaj. Hasta ipan inialtepe Samaria qui-

^{m5:14} O Efraín. Xijtlachili Os. 4:17.

chihuaj catli onpano fiero. Tlahuel tlacajcayahuaj, huan tlachtequij ipan techaj huan tetlacuicuiláj ipan calles. ²Huan nopa masehualme amo monejnehuiláj para na nijtlachilía nochi catli quichihuaj huan nochi niquelnamiqui. Inintlajtlacolhua quinyahualohua huan nochi niquita.

Inintlajtlacolhua tequitini

³“Nopa tlanahuatijquetl paqui ica inintlajtlacolhua imasehualhua, huan nopa tlayacanani huetzcaj quema quicaquij quenicatza tlacajcayahuaj ica istlatcatili. ⁴Nochi inijuanti momecatiani. Inintlalnamiquilis eltoc totonic ica nochi catli fiero quinequij quichihuase. Itztoque quen se horno catli onpano xahuantoc hasta amo monequi más quitotonilise tlen quema quitlalíaj tlasonej-cayotl ipan nopa harina hasta teipa quema mosonejtos huan quiixitise.

⁵“Quema quiilhuichihuilijque totlana-huatijca, nopa tlayacanani tlahuel quitlalitijque hasta mococo ica nopa tlaili. Teipa nopa tlanahuatijquetl quintlahuetzquilti huan tlaic ininhuaya nopa tlacame catli quipinajtiyayaj. ⁶Tlatla ininyolo quen se horno xaxahuacatoc para quichihuase tlamantli catli amo cuali. Catli amo cuali quisencahuaj para quichihuase eltoc quen se tlilt catli sehui ica tlayohua, pero ica ijnaloc sempa lemeni. ⁷Huan inijuanti quinmictíaj sesen inintlayacancahua huan mi-quij nochi inintlanahuatijcahua, pero amo aqui nechtzajtzilá para ma nijpalehui.

Israelitame quicajtejtoque ininTECO

⁸“Tlali Israel ⁿehuani momanelojoque ininhuaya sequinoc tlalme ehuani catli quinhueyichihuaj tiotzitz. Huan quej nopa mochijtoque amo tleno ininpati quen amo tleno ipati se tlaxcali catli san se lado icsitoc huan amo quiixcuepque.

⁹“Masehualme catli ehuani sequinoc tlalme quinquixtilijque ininchicahualis, pero amo momacaj cuenta. Itztoque quen se tlacatl catli chipahuía itzoncal, pero yaya amo momaca cuenta sintla ya huehuej-

tiya. ¹⁰Tlali Israel ehuani motelhuíaj pampa tlahuel mohueyimatij. Eltoc quen inintlajtlacol nechtajtlanía ma niqintlatzacuilty. Pero masque quej nopa itztoque tlali Israel ehuani amo mocuepaj ica na, niyon amo nechtemohuaj.

¹¹“Tlali Israel ehuani itztoque quen se paloma catli huihuitic huan amo tleno quimachilía. Quemantic quitlajtlaníaj tlapalehuili tlali Egipto huan quemantic tlali Asiria. ¹²Pero quema quisase para yase nopena, na niquinmajcahuilis nomatla huan niqintemohuis quen se quintepexihuisquía miyac totome catli patlantinemij san sejco ajacatipa. Quej nopa niqintlatzacuilty ica nochi catli amo cuali quichijtoque.

¹³“Tlahuel fiero ininpantis pampa mohuejcatlalijtoque tlen na. Ma miquica pampa ica na mosisisnijque. Quema, nijnequiyaya niquinmaquixtis, inijuanti nechistlacahuijque. ¹⁴Amo nechtzajtziláj ica ininyolo. San tlahuejchihuaj ipan inintlapech ica tlayohua pampa motequipachohuaj sintla oncas trigo huan xocomeca atl. Mosentiláj huan motejtequij ipan inintlacayohua para quintlajtlanise nopa tiotzitzima quinmacaca, pero moiycatlalijtoque tlen na catli niquinmacasquía.

¹⁵“Na niquinmacthi quenicatza ma tlahuilanaca huan niquinmacac chicahualis-tli, pero inijuanti san moilhuíaj tlaque amo cuali huelis nechchihuile. ¹⁶Campa hueli tlachiyaj para quiitase ajqueya quin-palehuisquía. Pero amo nechtemohuaj na catli niinTeco Catli Más niHueyi. Itztoque quen se cuahuitoli catli huijcoltic catli amo aqui hueli quitequihuis para tlamelac itas. Mohueyimajtoque, huan nechtajilhuijtoque huan yeca inintlayacancahua miquisite ica machete. Huan nopa Egipto ehuani san quinhuetzquilise.

Israelitame mocuapolojtoque por inintiotzitz

⁸ “¡Ma quipitzaca nopa tlapitzali catli tla-yolmelahua hualahuíj inincualancaitacahua! Quen se cuajtli temotiquisa ipan se

ⁿ7:8 O Efraín. Xijtlachili Os. 4:17.

piyo, inincualancaitacahua nomasehualhua quinhuicase pampa quiixpanotoque nopa camanal sencahualli catli njchijtoya ininhuaya huan mosisiniptoque ica notlanahuatil. ²Huan ama tlali Israel ehuani nechtajtzilíaj huan quijtohuaj: ‘Techpalehui pampa timitziximati para ta tiToteco Dios.’ ³Pero amantzi ayacmo huelis pampa israelitame quihuejcamajcajtoque catli cuali. Yeca ama quintepotztocatinemise inincualancaitacahua. ⁴Injuanti quintequitlalique tlanahuatiani huan tlayacanani, pero amo catli na niqintlapejpeniyaya. Huan ica nochin ininplata huan inioro quinchijque tiotzitzit. Huan ica ya nopa motzontlamiltijque ica ininseltzi.

⁵“AnSamaria^o ehuani, amo quema ni mechselis ica nopa becerro tiotzitzit catli anmochijchihuiliptoque pampa tlahuell nechcualancamacaj. ¿Hasta quema anmotlapajpacchihuase tlen nopa tlajtlacoli? ⁶Nopa becerro tiotzitzit catli anquinhueyichihuaj amo ya Dios. Ya nopa san quinmochijchijtoque tlacame. Yeca nopa becerros ipan tlali Israel niquinpajyalos.

⁷“Injuanti quichijtoque catli amo cualli huan quiselise catli tlahuell fiero. Nopa toctli amo temacas pixquistli huan amo oncas harina. Huan sintla quentzi oncas, sequinoc quicuase.

⁸“Quena, tlali Israel elis sosoltic. Huan nopa sequinoc tlalme quiitase quen se comitl tlatlapacatoc catli amo tleno ipati. ⁹Nopa israelitame yajque ipan tlali Asiria para quitemse tlapalehuili. Nechtlahuelcajtoque na quen quistehua se cuatitlan burro. Pampa ayacmo nechnequij moco-huijtoque ininmecahua.

¹⁰“Pero masque nopa israelitame quin tlaxtlahuijtoque catli ehuaj sequinoc tlalme ma elica ininmecahua, amo quinpalehuise. Na niquinseñilis huan niqintlatis ipan sequinoc tlalme campa itztose quen seyoc tlali ehuani. Huan tlaijiyohuise imaco se tlanahtijquetl huan itlapalehuijcahua catli tlahuell chicahuaque.

¹¹“Ipan tlali Israel^p israelitame quinsencajque miyac tlaxpame catli eltoyaj campa moquixtilitosquíaj inintlajtlacolhua, pero quincepque nopa tlaxpame para ma elica lugares para tlajtlacolchihiuse. ¹²Huan masque niquinjcuilhuili miyac tlanahtuilme, quijtoque para nopa tlanahtuilme amo elque para inijuanti. ¹³Injuanti nechtencahuilijque miyac tlacajcahualistli san para quicuase ininnacayo nopa tlapiyalme, pero amo niquinseñilis pampa na, catli niinintECO, amo nechpacti. Huajca na niqintlajtlanis cuenta por nochin inintlajtlacolhua catli quichijtoque huan niqintlazacultis. Huan sempa yase tetequipanotij san tlaptic quen quichijque huecjajya ipan tlali Egipto.

¹⁴“Tlali Israel ehuani mochijchihuiliptoque huejhueyi caltlanahtuilme huan tlali Judá ehuani quinyahualojoque miyac inialtepehua ica tepamitl, pero nochin injuanti san se nechelcajtoque na, catli niininTlachijchijca. Huajca na nijtitlanis tlitl ipan inincaltlanahuatilhua huan niqintlatis nopa altepeme catli quinyahualojoque ica tepamitl.”

Oseas quinilhuía tlen inintlazacultilis
9 [Oseas camanalti; AnIsrael ehuani, amo xipaqua hasta anhuitonise quen masehualme ipan sequinoc tlalme paquij. Anquitlahuelcajtoque Toteco Dios quen se sihuatl catli quipactía nopa tlaxtlahuili huan quicahua ihuehue para tlacanemis. Anquinmacatoque tlacajcahualistli tiotzitzit. Huan anmochijchihuiliptoque miyac tlamanitli catli fiero pampa anmoilhuijque quej nopa amotiotzi anmechmacas se cualli pixquistli. Pero amo oncas.

²Ama nopa pixquistli tlen trigo ayacmo anmechaxilis para anquichihuase panztli huan san pilquentzi xocomecatl oncas para anquiquixtilise iayo para anquijise.

³Antlali Israel ehuani ayacmo huelis anmocahuase ipan ni tlali catli iaxca TOTECO. Ama anmechhuicase ipan tlali Asi-

^o8:5 Samaria eltoya nopa tlayacanca altepetl ipan tlali Israel ica norte huan quemanitic quitocaxtiaj nochin tlali Israel ica Samaria. ^p8:11 O Efraín. Xijtlachili Os. 4:17.

ria para antetequipanotij quen huejcajya amohuejcapan tatahua tetequipanojque ipan tlali Egipto. Huan ipan Asiria anquicuase tlacualistli catli amo tlapajpactic iixpa TOTECO.

⁴Nopona amo amechcahuilise anquielnamiquise nopa ilhuime tlen TOTECO, niyon amo hueli anquimacase nopa tlacajcahualistli catli quityohuaj iixpa. Niyon se tlacajcahualistli catli nopona anquitencahuasquíaj amo quipactis TOTECO. Nopona nochi tlacajcahualistli elise ijtlacajtoque iixpa TOTECO. Elis quen se tlamantli catli quiitzquitoc se masehuali catli quichoquilijtoc se mijcatzi huan yeca mochijtoc amo tlapajpactic. Huan nochi masehualme catli quicuase nopa tlacualistli nojquiya mochihuase amo tlapajpactique iixpa TOTECO. Hueli quicuase nopa tlacajcahualistli catli amo tlapajpactli para ixhuise, pero amo huelis quihuicase ichaj TOTECO para quitencahuilise.

⁵Huan ¿tlaque anquichihuase para anquielnamiquise nopa tonal tlen nopa ilhuitl catli hueyi quema monequi anmosentilise para anquihueyichihuase TOTECO? ⁶Quema amechhuicase nopona, miyac miquise huan motlalpachose quen quintlalpachojoque amohuejcapan tatahua ipan altepetl Menfis ipan tlali Egipto huejcajya. Huan ¿ajqueya moaxcatis nochi tlamantli catli yejyectzi catli anquicajtejque? Campa anquicajtehuase amoricojyo san moscaltis tejtzonquilitl huan sahua mecatl.

⁷Temachtli ajsis nopa tonal para antlali Israel ehuani anquiselise tlatzacuiltoni. Quena, anisraelitame, cuali anquimatisse para ya ajsic nopa tonal para TOTECO amechcuepilis. Anquijtojtoque: “Huihuitique nopa tlajtol pannextiani catli quijtohuaj huala tlatzacuiltoni.” Huan “San mocuapolojtoque catli quijtohuaj quiselíaj camanali tlen TOTECO.” Huajca pampa tlahuel miyac antlajtlacolchijtoque huan tlahuel anquicualancaitaj TOTECO temachtli hualas amotlatzacuiltoni.

⁸Toteco Dios nechtalajtoc niitlajtol pannextijca quen niamotlamocuitlahuica antlali Israel ehuani. Nimechilhuía catli fiero hualas. Pero campa hueli amechtlalilfaj tlaquetztl. Huan nochi amojuanti catli anitztoyaj quen ifamilia Toteco nechcualancaitaj. ⁹Anisraelitame neltlahuel antlajtlacolchijtoque hasta huejcajya ipan altepetl Gabaa. Huan Toteco Dios quielnamiquis nochi catli anquichijtoque huan amechtlatzacuiltonis por amotlajtlacolhuia.

Israelitame tlaijiyohuise por inintlajtlacolhuia

¹⁰TOTECO quijtohua: “Quema achti-huiya nimechpanti anisraelitame, elqui quen nijpantijtosquía itlajca xocomecatl ipan se huactoc tlali. Quena, quema ni-quinitac amohuejcapan tatahua, elqui quen nijpantijtosquía nopa achthui higos catli más selic ipan nopa higuera cuahuitl pampa tlahuel nechpactiyaj. Pero teipa amotatahua ajsitoj campa Baal Peor huan motemactilijque ica nopa tiotzi catli onpano fiero hasta quichijque tlamantli catli eltoya se hueyi pinahualistli. Huan amotatahua mocuepque tlahuel fierojtique quen nopa tiotzi catli quihueyichihuayaj. ¹¹Huajca amojuanti catli anehuani tlali Israel^q ayacmo anquipiyase tlatlepanitacayotl pampa amohueyitis tlamis. Ayacmo tlacatise coneme, niyon ayacmo tlane-miltise sihuame, niyon moconecuise. ¹²Huan sintla moscaltise se ome amoco-nehua, nochi na nimechquixtilis huan amo aqui mocahuas. Tlahuel fiero amopantis quema nimechiyocacahuas huan nimechcajtehuas.

¹³“Na niquitac para tlali Israel eltoya yejyectzi quen nopa altepetl Tiro pampa nojquiya mosehuiyaya campa tlayejyec-tzi. Pero ama monequis tetajme quinquin-tise ininconeuhua para inincualancaitaca-hua quinmictise.” ¹⁴Oh, TOTECO, xiquin-maca momasehualhua nopa tlatzacuiltoni catli tijpiya para tiquinmacas. Xi-

^q9:11 O Efraín. Xijtlachili Os. 4:17.

quinchihua ininsihuajhua ma moconetla-huisoca huan ma huajhuaqui ininchichij-hua.

TOTECO cuanqui ica tlali Israel ehuani

15 Huan TOTECO quiijtohua: “Nochi inintlajtlacolhua pejqui ipan altepetl Gil-gal huan nopona pejqui niquinquinalancaita por catli fiero quichijque nepa. Huajca na niquinquixtis tlen notlal huan ayacmo ni-quinicnelis pampa quinhueyichihuaj tiotzitzi huan noch iintlanahuatijcahua senquistoc mosisináj ica na. 16 Huajca ama nechca para tlali Israel ehuani quise-lise tlatzacuiltyli. Itztoque quen se tzontli catli huactoc inelhuayohua huan yeca ayacmo temacas más itlajca. Huan sintla quinpiyase más ininconehua, na niquin-mictis masque tlahuel quinicnelíaj.”

17 NoTeco Dios quintlahuelcahuas no-pa masehualme ipan tlali Israel pampa amo quinequij quitlaacaquilise, niyon amo quinequij quitlepanitase. Elise nejnemini campa hueli ipan sequinoc tlalme huan amo cana quipiyase ininchaj.

TOTECO quinsosolo inintlaixpa tiotzitzi

10 Tlali Israel eltoya quen se xocom-eca tzontli catli moxoyajqui campa hueli pero san para ya. Quema más mori-cojchihuaya más quinchichihuiliyaya tlaxpame nopa tiotzitzi. Huan quema noja más njamacayaya pixquistli, noja más yejyecztitzitzi tiotzitzi quinsencahuayaya. 2 Ininyolo nopa israelitame amo nelía mol-tlatzquilijtoc san ipan Toteco pampa ome ojtli quitoquilíaj. Huajca quihiucaj tlajtla-colí huan quinamiqui quiselise tlatzacuiltyli. TOTECO quisosolos noch iintlaixpahua huan quitlapanas inintiotzitzi. 3 Huan huajca quiijtose: “Amo tijpiyaj totlana-huatijca pampa amo tiquimacasque TO-TECO. Pero masque tijpiyasquíaj se totlana-huatijca amo tleno huelisquía techchi-huilisquía ama. 4 Tlanahuatiani quiijto-huaj miyac camanali catli yejyecztitzi pe-ro amo tleno ipati. Huan quitlajtolcahuaj

miyac tlamantli, pero amo quichihuaj catli quiijtohuaj. Huajca yeca cualanti pan-nesis campa inijuanti quen xihuitl catli pajyo panquisa iseltzi ipan mila.”

5 Nopa tlali Israel^r ehuani huihuipicase ica majmajtli por catli ininpantis nopa be-cerro tiotzitzi catli quinhueyichihuayayaj ipan Bet Avén^s. Nochi nopa masehualme huan totajtzitzi motequipachose por nopa tiotzitzi pampa quimatij ayacmo aqui quintlepanitas. 6 Asiria ehuani quinhuica-se noch nopa tiotzitzi tlen becerro inin-huaya hasta inintlal huan quimacatij quen se nemactli nopa Tlanahuatijquetl Jareb. Huan tlali Israel ehuani mopinahuase por nopa tiotzitzi catli ipan motemachiyyaj. 7 Quimictise amotlanahuatijca catli mose-huía ipan Samaria campa más oncayaya amotiotzitzi. Huan nopa altepetl ixpoli-huis quen hueyi atl quihiuica se cuapetlatl. 8 Huan quisosolose nopa tlaxpame para amotiotzitzi ipan Avén campa anisraelita-me antlajtlacolchijque. Huan nopona ix-huas huitzli huan sahua mecatl. Huan no-pona israelitame quilhuise nopa cuatitla-mitl: “Techtlati tlen icualancayo Toteco.” Huan nopa tepeme quinillhuise: “Xihuetzi-ca topani para yaya amo techajsis.”

9 Huan TOTECO quiijtos: “Hasta quema amohuejcapan tatahua anisraelitame tlaj-tlacolchijque nepa ipan altepetl Gabaa huan hasta ama, amo quema anquicajto-que antlajtlacolchihuaj. San tlajtlacoli an-quimatij. Huajca ¿amo anquiiatj para qui-namiqui para nopa soldados quinhuilan-que catli itztoyaj ipan Gabaa huan fiero quichijtoyaj? 10 Huan ama nojquiya qui-namiqui nimechtlatzacuiltyli amojuanti ipan ni tlali quema njinequi. Huan niquin-sentilis soldados tlen noch iatlalme para anmechtlatzacuiltyse por noch amotlaj-tacolhua catli tlahuel hueyi.

11 “Tlali Israel^t ehuani itztoque quen se cone huacax catli tlamachtili para ipan moquejquetzas trigo para quiyolquixtis. Pero ama njichihualtis ma tequiti ipan te-quitl catli ohui. Nijtlalilis iquechtl catli

^r10:5 Xijtlachili Os. 8:5. ^s10:5 Xijtlachili Os. 4:15. ^t10:11 O Efraín. Xijtlachili Os. 4:17.

yamanic se cuahuitl catli etic. Hasta tlali Judá ehuani nojquiya monequi tlapoxonise. Huan nochí israelitame quipapayatztiyase nopa tlaltolomítl pampa ya huala tonali catli más ohui. ¹²Nimechilhuijtoc: 'Xijchihuaca catli xitlahuac huan anquise-lise notlaicnelijcayo. Ximoyolyamanilica pampa ama nopa tonal para anquitemose TOTECO. Huan yaya temachtli hualas huan anmechtióchihuas miyac. Se catli quipayanía tlali catli tetic huan quitoca cuali xinachtlí temachtli quipixcas catli cuali.'

¹³"Pero san anquichijtoque catli amo cuali huan yeca anquipixcatoque tlajtla-colotl huan istlacatili. Anmotemachijtoque ipan amotlahuilanca carros huan amosoldados, huan amo ipan na huan ama anquiselijtoque catli quinamiqui.

¹⁴"Huajca ama tlahuilancayotl hualas ipan amojuanti. Huan senquistoc huetzise nopa calme catli más tilahuac para ipan anmomanahuisquíaj. Elis quen panoc quemá Salmán^u quisosolo altepetl Bet Arbel huan quincocototzque hasta nopa sihuame huan nopa coneme. ¹⁵Quej nopa nojquiya amopantis antlali Israel ehuani pampa miyac tlajtlacoli anquichijtoque ica amotiotzitzí ipan Betel. Quema pehucas nopa tonal tlen tlatzacuiltili, quitzontla-miltise amotlanahuatiyaca ipan tlali Israel.

TOTECO quintlasojtla imasehualhua catli tetic ininyolo

1 1 "Quema nopa israelitame ayamo itztoyaj miyaqui masehualme, pejqui niquinicnelí. Niquinitac quen nocone huan nijnutzqui nocone ma quisa ipan tlalli Egipto. ²Pero quema na más niquinnutzayaya, inijuanti noja más mohuejcatlalíyayaj tlen na. Huan quinmacayayaj tlacaj-cahualistli nopa tiotzitzí tlen Baal huan quintlatiliyayaj copali nopa tlaixcopinca-yome. ³Quen se tetaj quimataliana icone huan quinextilíia ma nejnemi, na niquipalehuiyaya israelitame, pero amo quichi-huiliyque cuenta sintla niquinmocuitlahui-

yaya. ⁴Quen se tlacatl quiyacana ihuacax, niquinyacanqui noisraelita masehualhua ica miyac tlaicnelijcayotl. Nojquiya ni-quincaxanili inincamailpica para ma tla-cuaca. Huan ica nochí noyolo niquintla-macac ica nomax.

⁵"Pero ama, pampa amo anquinejque anmocuepase ica na, anyase antetequipanotij san tlapiç quen amohuejapan tata-hua tetequipanotoj ipan tlali Egipto. Pero ama noja más ohui elis pampa nopa fiero tlanahuatijquetl tlen tlali Asiria elis amo-tlanahuatijca. ⁶Amocualancaitacahua cala-quise huan oncas tlahuilancayotl ipan amoaltepehua. Huan anmechsosolhuilise nopa barras ipan amopuertas catli ipan anmotemachijque para anmechmanahuis. Huan tlamis nochí catli ica ammohueyima-tiyayaj huan anmoilhuiyayaj para anquichihuase. ⁷Huan nochí ya ni elis catli amopantis pampa senquistoc anmosisinij-toque ica na. Masque antechtocaxtiyayaj Toteco Catli Más Hueyi, amo aqui quine-quiyaya nechhueyichihuas.

⁸"Pero ¿quenicatza nimechtlahuelca-huas, annomasehualhua ipan tlali Israel? Amo huelis nimechcahuilis anyase huan senquistoc anmechtzontlamiltise. Amo hueli nimechixpolihuitlis quen huecjaya nijchijqui ica altepeme Adma huan Zebo-im catli tlataque ihuaya altepetl Sodoma. Tlahuel nechyolpitzahua pampa tlahuel nimechicnelí. ⁹Yeca amo nimechtlazacuitlis ica nochí nocualancayo. Amo quemá nijsosolos nochí tlali Israel^v huan imasehualhua sempa. Melahuac catli nimechilhuía pampa na niDios huan amo nimasehuali. Na niitztoc catli niTlatzejtzelotic huan niitztoc tlatalajco tlen amojuanti. Amo nihualas sempa para nitlasolos.

¹⁰"Teipa nochí nopa masehualme nechtoquilise niininTECO. Huan ninanalan-cas quen se león catli quinajhuas icualan-caitacahua. Huan ica majmajtli nomasehualhua huihuipicatihualase tlen nopa tlalme campa calaqui tonati. ¹¹Hualase tlen tlali quen miyac totome catli

^u10:14 Xijtlachili 2 R. 17:1-6 ^v11:9 O Efraín. Xijtlachili Os. 4:17.

patlantihuahualase. Huan tlen tlali Asiria huihuipicathualalase quen palomajime. Huan niquinchihuas ma itztoca ipan ininchajchaj. Quej nopa niquijtohua niininTECO.

Inintlajtlacolhua Israel ehuani

12 “Tlali Israel ehuani san nechilhuáj istlacatili huan quinequij nechcrajcaya-huase. Huan tlali Judá ehuani nojquiya mohuejcanectinemij tlen na catli niinin-Teco Dios. Tlatoctzitzí nechcahuaj na catli niTlatzejtzeloltic huan nitemachtlí.”

12 Tlali Israel ehuani mojmostla mososolohuaj quen se catli motlamaca san ica ajacatl. Quitemohuaj tlamantli catli quinixpolihultis quen se catli quito-quilía nopa huac ajacatl catli más tetlatía. Huihuitique para quichihuaj camanali ica tlali Asiria para ma quinpalehui. San tlapic para tlali Israel ehuani quititlanise aceite tlen olivos ipan tlali Egipto pampa quinequisquíaj ma quinmacaca se tlapalehui. Tlahuel quinpactía tlacajcayahuaj huan mohuilanaj se ica seyoc.

2 Pero TOTECO nojquiya quipiya se cuantli ininhuaya israelitame catli tlali Judá ehuani. Quintlatzacultis nochí israelitame^w quen quinamiqui ica nochí tlajtlacoli catli quichijtoque. 3 Hasta quema ayamo tlacatiyaya Jacob huecjaya, mohuilanqui ihuaya iicni. Quema motlachijqui, mohuilanqui ihuaya TOTECO. 4 Quena, mohuilanqui ihuaya itequihua TOTECO huecjaya huan quitlanqui. Huan teipa Jacob chocac huan chicahuac quiilihui ma quítiochihua. Huan sempa mopanti ihuaya TOTECO nepa ipan Betel, huan nopona TOTECO quicamanalhui tohuecjapan tata Jacob huan ica tojuanti por ya. 5 Mocamanalhui ihuaya TOTECO Catli Quinyacana Itequihuajcahu Ma Tlatlani-tij, yaya catli itoca TOTECO catli nochipa itztoya huan nochipa itztos. 6 Huajca ama ximocuepacá ica Toteco Dios. Xiteicnelica huan xijchihuaca catli xitlahuac. Nochipa

ximotemachica ipan amoTeco Dios huan amo ipan seyoc.

7 Pero amo anquichihuaj ya inon. Antlanemacani anquihuicaj amomaco tlata-machihuali catli amo ajsi pampa amech-pactía anquincajcajahuase huan anquin-tlajiyohuiltise sequinoc. 8 Antlali Israel^x ehuani ammohueyimatij huan anquijto-huaj: “Tlahuel nimoricojchijtoc huan nochí nijtlantoc noseltzi. Amo aqui huelis quijitos para nitlaixpanotoc ica nochí catli nijtlantoc. Amo nijpiya tlajtlacoli.”

9 Huan TOTECO quijtohua: “Na niitzto-ya niamotECO Dios hasta quema nimech-quixti ipan tlali Egipto. Huan ama nijsosolos amoaltepehua huan nijchihuas para sempa amitztose ipan pilxajcaltzitzí quen anquichihuayayaj ipan nopa tonalme que-ma anilhuichihuayayaj. 10 Na nimechtitla-nili miyac tlajtol pannextiani para am-echcamanalhuise. Niquinmacac miyac tlanextili huan miyac huicalotl para am-echilhuise ximoyolcuepa ica na.

11 “Pero altepetl Galaad noja temitoc ica masehualme catli huihuitique huan quinhueyichihuaj tiotzitzí. Huan ipan altepetl Gilgal anquinmictíaj miyac huacax-me para tlacajcahualistli. Nopona anquin-tecpantoque tlahuel miyac tlaxpame has-ta nesi quen elisquía se mili. Huan nochí nopa tlaxpame anquintequivuaj para an-quinmacase tlacajcahualistli amotiotzitzí.

12 “Xiquelnamiquica para Jacob, amo-huecjapan tata, nojquiya tetequipanoto quema cholo huan yajqui ipan tlali Aram, Nopona yaya^y monejqui tequitis chica-huac para motlanilis isihua. Quena, mo-nejqui quinmocuitlahuis borregojme para quiselis nopa ichpocatl. 13 Teipa quema sempa tetequipanoyayaj amohuecjapan tatahua, niamotECO nijtequihui se tlajtol pannextijquetl para niquinquixtis tlen tlalli Egipto. Huan niquinmocuitlahui ica se tlajtol pannextijquetl. 14 Pero ama antlali Israel^z ehuani tlahuel antechcualancama-

^w12:2 Jacob nica quinequi quijitos nochí israelitame catli amo cuali quichihuaj. Efraín. Xijtlachili Os. 4:17. ^y12:12 Jacob teipa itoca eliyaya Israel. Xijtlachili Os. 4:17.

^x12:8 O

^z12:14 O Efraín.

catoque niamotoTECO. Yeca niamotoTECO nimechcahuilis antetequipanotij para antlaxtlahuase por amotlajtlacolhua. Hueztiz amopani nopa tlatzacultilsti catli quinamiqui ica nochí catli amo cuali anquichijtoque.

TOTECO quintlatzaculti quen quiijtojtoya
13 “Huecjaya quema imasehualhua nopa hueyi familia Efraín camanatityayaj, nopa sequinoc huejhueyi familias tlen israelitame huihuipacayayaj ica majmactli pampa nopa hueyi familia eliyaya tlayacanquetl tlen sequinoc familias huan quipiyayaya chicahualistli. Pero teipa imasehualhua nopa familia Efraín pejque quinhueyichihuaj nopa tiotzitzi tlen Baal huan por nopa tlajtlacoli temachtli nochí ixpolihuise.

2 “Huan ama nopa masehualme noja más tlajtlacolchihuaj. Quitlanehuj se tlacatl catli tlalnamiqui ma quimoloni ininplata huan quinsencahuas tlaixcopincayome huan tiotzitzi. Pero nopa tlaixcopincayome huan tiotzitzi amo tleno ininpati pampa san tlamachijchihualme. Huan teipa quinilhúaj nopa israelitame: ‘Anmasehualme catli antemacaj tlacajcahualistli, xiquintzoponica nopa becerro tiotzitzi.’ Quej nopa quiijtohuaj. 3 Yeca ama nopa masehualme ixpolihuise quen nopa mixtli catli monextífa ica ijnaloc, o quen nopa ajhuachtli catli nimantzi huaqui, o quen nopa tlasoli catli quihuica ajacatl, o quen nopa poctli catli quisa campa ventana.

4 “Pero san na niitztoc niamotoTECO Dios catli nimechquixti ipan tlali Egipto campa antetequipanohuayayaj. Amo xijtlepanitaca seyoc quen elisquía Dios, san na. Amo aqui seyoc temaquixtijquetl, san na. 5 Pampa nielqui na catli niquinmocuitlahui amotatahua huecjaya ipan nopa huactoc tlali campa amo oncayaya atl huan campa amo tleno eliyaya. 6 Na niqintlamacac huan cuali ixhuique, pero

quema ya anixhuitoyaj huan anmomiya-quilijtoyaj, anmohueyimatque huan antechtlahuelcajque. 7 Yeca na nihualas campa amojuanti quen se león para nimechtontlamiltis. Nimechchiyas ipan ojatlí quen se hueyi tecuani. 8 Quema hualase nopa soldados catli niqintitlanis campa amojuanti elise quen se tenan osa catli quinpolojtoc iconehua. Huan anmechitz-quise huan anmechcocotzase huan quitzayanase amoyolo. Huajca nopona nimechtontlamiltis quen se león catli temictia huan tetolohua. Nimechhuejhuertos quen quichihua se tlapiyali catli nemí cuatitla ica catli quiitzquitoc.

9 “Temachtli amotzontlamiltijtoque antlali Israel ehuani pampa anmosisinijtoque ica na catli niamatlapalehuijca. 10 ¿Canque itztoc amotlanahuatijca^a? ¡Yaya amo hueli anmechmanahuis ica nochí amoaltepehua! ¿Canque itztoque nopa tequitini catli antechilhuijque ma nimechmaca? Anquijtoque: ‘Techmaca tlanahuatiani huan tlayacanani.’ Pero ama ¿Canque itztoque? Ma anmechpalehuica sintla huelij. 11 Huan masque niqualaniyaya, nimechmacac se amotlanahuatijca huan ama ica cualantli nimechquixtilijtoc.

12 “Nochi amotlajtlacolhua, antlali Israel^b ehuani, eltoc ijcuilijtoc huan cuali ajoctoc huan nimechtlatzacultis por se-sentzitzi. 13 Nimechtencahuilijtoc, anisraelitame, para huelis antlacatise sempa sintla anmoyolcuespasquíaj, pero anitztoque quen se conetl catli tlahuel huihuitic. Huan quema huala tlacuajcualocayotl huan ajsi hora ma tlacati, yaya amo quinequi tlacatis. 14 Pero na nimechcohuas amojuanti tlen nepa mictla. Quena, nimechmaquixtis. Nijtlanis miquilistli para ayacmo tleno huelis anmechchihuils. Huan nijosolos nopa ostome campa te-tlalpachohuaj para amo huelis anmechpixtose. Amo nimoyolpatlas ica catli nimoilhuijtoc para nijchihuas.

^a13:10 Inintlanahuatijca catli nojquiya itoca Oseas itztoya ipan tlatzactli. Xijtlachili 2 R. 17:4.

^b13:12 O Efraín. Xijtlachili Os. 4:17.

15“Pero masque iixhuihua nopa hueyi familia Efraín^c quipiyase ome hueltas ininpixquis campa iicnihua, niinintECO nijchihuas ma huala se huac ajacatl ininpani huan ininpan nochí tlali Israel ehuani. Huan nopa huac ajacatl tlen nopa huactoc tlali quitlamihuatzas iniamelhua huan nochí atl nopona. Huan inincualancaitacahua quinichetiquilise nochí ininricojo huan nochí catli pajpatiyo catli quipixtose. **16**Huajca nopa masehualme ipan Samaria^d quiselise nopa tlatzacuiltoni catli quinamiqui pampa mosisínjque nohuaya na catli niinintECO. Yeca inincualancaitacahua quinmictise ica machete huan inincone hua ininca tlatepachose tlalchi huan quinijtitlapose nopa sihuame catli tlanemiltise.”

Oseas quinilhuúa israelitame ma moyolcuepaca

14 Oh, antlali Israel ehuani, ximocuepaca ica amoTECO Dios por amotlajtlacolhua, anhuetztoque hasta más tlatzintla. **2**Ximocuepaca ica amoTECO Dios huan xiquilhuitij: “Techquixtili nochí tolajtlacolhua. Xijpiya hueyi moyolo ica tojuanti huan techseli. Ica tocamac, timitzhueyichihuase. **3**Pampa tlali Asiria ehuani amo huelis techmaquixtise, niyon nopa tlahuilancayotl catli tijchihuaj amo techpalehuis. Nojquiya ayacmo quema tiquintocaxtise ‘toTeco’ nopa tiotzitzli catli tiquinmachijchijtoque pampa san ta tiquintlaso jtl catli icnotzitzi.” Quej nopa xiquilhuica.

TOTECO quinmacas yancuic nemilistli

4TOTECO quiijtohua: “Pampa anquinhueyichijtoque tiotzitzi, miyac ammechcojtoc pero na nijchicahuas ica nochí catli

fiero ammechchihulijtoc nopa miyac tlajtlacoli. Na nimechicnelis ica nochí noyolo pampa nocualancayo ya ammechtalcahuijtoc para nochipa. **5**Na nimechmacas yancuic chicahualistli quen ajuachtli ica ijnaloc. Huan nijchihuas para amotlal Israel ma xochiyohua quen se lirio. Huan elis quen nopa tiocuame catli monelhuayotíaj ipan tlali Líbano. **6**Tlali Israel elis quen se yejyectzi cuahuitl catli moxajcalos imacuayohua. Nesis onpano cuali quen nopa cuahuitl catli itoca olivo. Huan ni tlali mijyotis ajhuiyac quen nopa cuatitlamitl catli onca ipan tlali Líbano. **7**Israelitame sempa mocuepase para itztose ipan ni inintlal. Ica temachili mosiyajquetzase itla cuame catli tlaecahuilise. Mocuepase tlen nopa sequinoc tlalme campa quihui case para tetequipanotij. Masehualme moscaltise nica quen se cuali trigo huan quen xochiyohuas se xocomecatl. Miyotise ajhuiyac quen nopa xocomeca atl catli onca nepa ipan tlali Líbano.

8“Nimechilhuis antlali Israel^e ehuani, ximohuejcatlalica tlen nopa tiotzitzli pampa eltoc na catli nimechtlacaquilía quema antechtzajtzilíaj huan na catli nimechmocuitlahuía. Na niitztoc quen se cuahuitl catli nochipa xoxohuixtoc. Nimechmacas notlajca nochí tonali.” Quej nopa quiijto TOTECO.

Itlamiya tlamachtil ni amatli

9Aqui tlalnamiqui, ma quimachili huan ma quitlacaquili ni tlamtli catli nica ijcuijtoc pampa iojhui TOTECO nelía xitlahuac. Huan nopa masehualme catli xitlahuaque nejnemij nopona, pero catli mosisiníaj nopona motepotlamíaj huan huetzij.

^c13:15 Efraín quinequi quiijtos ‘temaca pixquistli’. Nojquiya nopa hueyi familia Efraín elqui catli más quipixqui tequiticayotl tlen nopa majtlactli huejhueyi familias catli mochijque tlali Israel. Yeca teipa pejque quitocaxtijá nochí nopa tlali Israel ica Efraín. ^d13:16 Samaria eltoya nopa tlayacanca altepetl ipan tlali Israel ica norte huan quemantic quitocaxtijá nochí tlali Israel ica Samaria. ^e14:8 O Efraín. Xijtlachili Os. 4:17.